

Coa colaboración de:



26 de agosto de 2022

AXUDAS Á CONCILIACIÓN DA VIDA FAMILIAR E LABORAL, POR REDUCIÓN DA XORNADA DE TRABALLO COMO MEDIDA DE FOMENTO DA CONCILIACIÓN E CORRESPONSABILIDADE

O Gabinete de Igualdade do Sindicato Nacional de CCOO de Galicia, na súa función divulgadora e sensibilizadora en materia de igualdade laboral, publica este resumo dos puntos clave das bases reguladoras das axudas que promove a Consellería de Emprego e Igualdade para a conciliación da vida persoal, familiar e laboral das persoas traballadoras que reduzan a súa xornada de traballo como medida de fomento da conciliación e corresponsabilidade no 2022 en Galicia.

Resolución do 11 de agosto de 2022, da Secretaría Xeral da Igualdade, pola que se establecen as bases reguladoras que rexerán as axudas á conciliación da vida familiar e laboral, por redución da xornada de traballo como medida de fomento da conciliación e corresponsabilidade, financiadas con fondos REACT-UE, como parte da resposta da unión á pandemia da covid-19, no marco do programa operativo FSE Galicia 2014-2020, e se convocan para o ano 2022. (Código de procedemento SI440A).

EN QUE CONSISTE?

Esta resolución establece as bases reguladoras e a convocatoria das axudas á conciliación da vida familiar e laboral como medida de fomento da corresponsabilidade para as persoas traballadoras e as familias monoparentais que, entre o 1 de xullo de 2021 e o 31 de xullo de 2022, ambos os dous inclusive, teñan unha situación de redución da súa xornada de traballo para o coidado de fillos e fillas, sempre que se cumpran os requisitos e condicións.

A redución de xornada terá que ser de, polo menos, o 12,5 % da xornada.

Con estas axudas preténdese acadar a igualdade real e efectiva entre mulleres e homes, incentivando especificamente a conciliación da vida familiar e laboral como medida de fomento da corresponsabilidade para os traballadores que se acollan á redución da súa xornada de traballo.

Ligazón ao DOG correspondente para ampliar información ou descargar os formularios (https://www.xunta.gal/dog/Publicados/2022/20220826/AnuncioG0656-120822-0005_gl.html).

Para máis información, podes solicitar unha consulta na conta de correo electrónico: gabineteigualdade@galicia.ccoo.es

QUE PERSOAS SE PODEN BENEFICIAR DESTA AXUDA?

PERSOAS BENEFICIARIAS		REQUISITOS
<p>As persoas físicas que se acollan á medida de redución de xornada para o coidado dun fillo ou filla menor de tres anos, ou menor de 12 anos no suposto de que padeza unha discapacidade recoñecida de porcentaxe igual ou superior ao 33 % que sexan traballadores por conta allea, tanto da empresa privada como das Administracións públicas, organismos autónomos, entes públicos de dereito privado e empresas públicas dependentes delas, con independencia de que o seu vínculo sexa laboral, funcional ou estatutario.</p>	<p>Unidades familiares non monoparentais Poderán ser beneficiarios os homes que se acollan á redución de xornada laboral para o coidado de fillas e fillos segundo o establecido no artigo 6 desta resolución.</p>	<p>a) Estar empadroadas en calquera concello da Comunidade Autónoma de Galicia. b) Convivir coa filla ou o fillo durante o período subvencionable. Nos casos en que exista un acordo de custodia compartida, computase o tempo de convivencia e o cálculo do período obxecto da subvención en proporción, segundo os termos do citado acordo. c) Os ingresos da unidade familiar non poderán ser superiores a 7 veces o indicador público de renda de efectos múltiples (IPREM) para o ano 2021. d) Non encontrarse en ningunha das circunstancias e prohibicións establecidas nos números 2 e 3 do artigo 10 da Lei 9/2007, do 13 de xuño, de subvencións de Galicia (acreditación mediante declaración responsable da persoa interesada).</p>
	<p>Unidades familiares monoparentais Poderá ser beneficiaria a persoa, home ou muller, que se acolla á redución de xornada laboral para o coidado de fillas e fillos segundo o establecido no artigo 6 desta resolución.</p>	
FAMILIAS MONOPARENTAIS	SUPOSTOS	
<p>Para os efectos destas axudas, entenderase por familia monoparental o núcleo familiar composto por un único proxenitor ou proxenitora e os fillos ou as fillas ao seu cargo, nos seguintes supostos:</p>	<p>a) Os homes ou as mulleres que afrontan a paternidade ou a maternidade en solitario. b) As familias formadas por unha ou un cónxuxe viúvo e os fillos e fillas. c) As familias formadas por un pai ou nai que queda a cargo das fillas e fillos.</p>	
<p>As axudas concederanse por orde de puntuación segundo os criterios e pautas de valoración previstos no artigo 16 da resolución, ata esgotar o crédito dispoñible.</p>		
<p>As axudas previstas nesta convocatoria son incompatibles con calquera outra subvención pública co mesmo obxecto e finalidade.</p>		
FINANCIAMENTO		
<p>O período máximo subvencionable, continuado ou fraccionado, será de oito (8) meses comprendidos entre o 1 de xullo de 2021 e o 31 de xullo de 2022, ambos incluídos. Para determinar o período subvencionable.</p>		

A CANTO ASCENDE A CONTÍA DA AXUDA?

CONTÍA DAS AXUDAS

Determinase segundo a porcentaxe de redución da xornada laboral e da súa duración, en atención ao número de fillas e fillos a cargo da persoa solicitante, de acordo cos seguintes tramos:

TRAMOS*	CONTÍA
a) Redución de xornada entre 12,5 % e 25 %	1. Cun fillo ou filla a cargo: 1700 euros 2. Con dous fillos ou fillas a cargo: 2000 euros 3. Con tres ou máis fillos ou fillas a cargo: 2300 euros
b) Redución de xornada +25 % ata 37,50 %	1. Cun fillo ou filla a cargo: 2800 euros 2. Con dous fillos ou fillas a cargo: 3100 euros 3. Con tres ou máis fillos ou fillas a cargo: 3400 euros
c) Redución de xornada +37,50 % ata 50 % ou máis	1. Cun fillo ou filla a cargo: 3100 euros 2. Con dous fillos ou fillas a cargo: 3400 euros 3. Con tres ou máis fillos ou fillas a cargo: 3700 euros

REQUISITOS E OBRIGAS

Teranse en conta unicamente os fillos e fillas menores de 12 anos, incluídos aqueles polos que se solicita a redución de xornada.

A contía reducirase proporcionalmente cando o período subvencionable sexa inferior a 8 meses. Para o cálculo da contía da axuda, computaranse meses de 30 días.

Para as familias monoparentais, de acordo ás súas maiores dificultades para a conciliación e o maior risco de vulnerabilidade e menores ingresos, contabilizarase cada fillo/a que conviva coa persoa titular da familia monoparental, para a asignación do tramo de contía da axuda como dobre ou multiplicado por dous.

* Xornada a tempo completo ou período equivalente no caso de xornada a tempo parcial e a súa duración se estenda á totalidade do período subvencionable (8 meses)

ONDE E COMO SE PODEN PRESENTAN AS SOLICITUDES?

PRESENTACIÓN SOLICITUDES	PRAZOS
Exclusivamente por medios electrónicos (formulario normalizado dispoñible na sede electrónica da Xunta de Galicia*)	Un mes desde o 27 de agosto de 2022

*Sede electrónica da Xunta de Galicia: <https://sede.xunta.gal>

COMO SE CALCULA A VALORACIÓN?

NIVEL DE INGRESOS DA UNIDADE FAMILIAR, ATA 35 PUNTOS SEGUNDO O SEGUINTE:	NÚMERO DE FILLAS E FILLOS MENORES DE 12 ANOS NO PERÍODO SUBVENCIONABLE, ATA 40 PUNTOS SEGUNDO O SEGUINTE:
a) Ata 1 vez o IPREM: 35 puntos b) +1 vez e ata 2,5 veces o IPREM: 30 puntos c) +2,5 e ata 3 veces o IPREM: 25 puntos d) +3 e ata 4 veces o IPREM: 20 puntos e) +4 e ata 5,5 veces o IPREM: 15 puntos f) +5,5 e ata 6 veces o IPREM: 10 puntos g) +6 e ata 7 veces o IPREM: 5 puntos	a) 4 fillos/as ou + <12 anos: 40 puntos b) 3 fillos/as <12 anos: 30 puntos c) 2 fillos/as <12 anos: 20 puntos d) 1 fillo/a <12 anos: 10 puntos
Pola solicitude procedente de familia monoparental: 10 puntos	No caso de fillas ou fillos <12 anos con discapacidade cunha porcentaxe igual ou superior ao 33 %, computaranse aplicando un coeficiente multiplicador de 2.

CANDO SE PUBLICARÁ A RESOLUCIÓN?

Desde o 27 de agosto de 2022, a Administración ten un prazo de catro meses para resolver e notificar. Transcorrido o dito prazo sen que se dite resolución expresa, entenderase desestimada por silencio administrativo.

SOLICITUDE DE PAGAMENTO E PRAZO

A axuda concedida será aboada nun pagamento único polo importe que corresponda segundo as contías determinadas, unha vez presentada a documentación sinalada, coa data límite para a súa presentación que figure na resolución de concesión, e que, en todo caso, non excederá o 22 de decembro de 2022.

O pagamento farase por transferencia na conta que as persoas solicitantes fagan constar no modelo de solicitude (anexo I do PDF do DOG*).

* DOG núm. 162, venres, 26 de agosto de 2022, páx. 45952.